



REPUBLIKA E SHQIPËRISË
MINISTRIA E ARSIMIT
DHE SPORTIT

BURSA UNIVERSITARE DHE PASUNIVERSITARE NË ITALI, VITI AKADEMIK 2017-2018

Qeveria e Republikës së Italisë ofron bursa studimi për studentë dhe të diplomuar shqiptarë për një total prej 72 muajsh (për 900 Euro/muaj) për vitin akademik 2017-2018.

Gjashtë (6) bursa studimi me një kohëzgjatje prej 3 (tre) muaj secila (totali 18 muaj) ofrohen për nxënësit më të mirë të klasave të 12-ta të seksioneve dy-gjuhëshe italo-shqiptare në Tiranë Shkodër dhe Korçë. Ndërsa 54 muaj bursa studimi pasuniversitare ofrohen për studentët shqiptarë në universitetet italiane në fusha kërkimore, studime pasuniversitare doktoraturë, master, specializime (me përjashtim të shkencave mjekësore), kurse universitare vetëm në rast përsëritjeje, kurse të ndryshme pranë akademisë së arteve, konservatoreve dhe shkollave kombëtare kinematografike, me kohëzgjatje 3, 6, 9 muaj dhe 1-muaj për kurset e formimit për mësues të gjuhës italiane.

Përparësi do të kenë kandidatët e rinj për marrjen e bursës ndaj kandidatëve të cilët gjatë vitit shkollor 2016-2017 kanë përfitur bursa studimi në kurse universitare nivelit të parë dhe të ciklit unik.

Periudha e përfimit të bursës përkon me kohëzgjatjen e vitit shkollor 2017/2018, pra nga data 1 nëntor 2017 deri në datën 30 shtator 2018. Ndërkohë bursat e studimit do të paguhen vetëm duke filluar mbas datës 1 janar 2018. Studimet përkatëse me bursë mund të kryhen pranë universiteteve, instituteve të formimit të lartë artistik e muzikor, instituteve të restaurimit, shkollave kombëtare të kinematografisë, qendrave e laboratorëve kërkimorë, bibliotekave, arkivave, muzeve dhe institucioneve të tjera shtetërore. Nuk do të jepen bursa për kryerjen e studimeve pranë Institucioneve të huaja edhe pse të vendosura në Itali apo në shkollave dhe laboratorëve private, të cilat nuk janë të njohura nga institucionet shtetërore.

Procedura e paraqitjes së kërkesës për bursë studimi nga ana e kandidatëve është tërësisht e informatizuar. Kandidati duhet të plotësojë formularin interaktiv në faqen e internetit të Ministrisë së Punëve të Jashtme dhe të Bashkëpunimit Ndërkombëtar të Republikës së Italisë: <http://borseonline.esteri.it/borseonline>;

Gjatë fazës së paraqitjes së kërkesave, për çdo paqartësi mund t'i referoheni adresës së e-mail të Institutit të Kulturës italiane në vijim: iictirana.borse@esteri.it;

Afati i fundit për përcjelljen telematik të formularit *online* është data **10 maj 2017**. Gjatë plotësimit të formularit duhet të shkarkohet në sistem një kopje e faqes të pasaportës me të dhënat e identitetit.

Kandidatët, të cilët kanë përfunduar procedurën e përshkruar më lart, duhet që brenda datës **19 maj 2017** të dorëzojnë pranë Institutit të Kulturës italiane dokumentacionin që do t'u kërkohet edhe me e-mail dhe që përfshin:

1. Formularin e aplikimit të nënshkruar duke vendosur datën një fotografi në format pasaporte (bashkangjitur);
2. Përshkrimin për nivelet e studimeve të kryera, diplomat dhe titujt shkencorë (jo më tepër se 2 faqe);
3. Letrën e drejtuesit (Shefi i Katedrës/Departamentit, Drejtori i Entit, etj.) për punonjësit e Administratës Publike (përfshi këtu profesorët e universiteteve) duke motivuar kërkesën për bursë;
4. Dëshminë (ligjërisht e njohur nga Shtetit Italian) që vërteton njohjen e gjuhës italiane. Paraqitja e kësaj dëshmie përbën përparësi në përzgjedhjen e kandidatëve;
5. *Dichiarazione di intenti*, në italisht;
6. Letrën e referencës së kandidatit nga një profesor që shërben si pikë referimi.
 - Kandidatët universitare të nivelit të parë duhet ta marrin letrën e referencës nga drejtori ose mësuesi kujdestar i shkollës së mesme përkatëse, ku kandidati ka kryer studimet.
 - Kandidatët në kurset universitare të nivelit të dytë, të Masterit ose të Doktoraturës duhet ta marrin letrën e referencës të paktën nga një autoritet akademik shqiptar (Rektor, dekan ose Drejtues Departamenti).

Kandidatët e Doktoraturës, duhet të paraqesin gjithashtu edhe dokumentet:

1. Përshkrimin e Projektit (deri në 1 faqe) që kandidati synon të realizojë, duke saktësuar emrin e institucionit pranë të cilit dëshiron të kryejë veprimtarinë e tij, si edhe kontaktet me personalitetet shkencore dhe akademike;
2. Letrën e një profesori apo eksperti italian, që është i gatshëm të ndjekë kandidatin gjatë veprimtarisë së parashikuar në projekt. Profesori/eksperti duhet të jetë docent ose ekspert përgjegjës i Institutit universitar/shkencor italian ku kandidati synon të zhvillojë aktivitetin e parashikuar në projektin e tij. Letra duhet të jetë zyrtare (e plotësuar me kokën e institucionit përkatës, si dhe e pajisur me vulën dhe firmën përkatëse). Duhet gjithashtu që letrat të përmbajë emrin, mbiemrin dhe kontaktet e personit që nënshkruan, për të lejuar verifikimin në rast se dyshohet mbi vërtetësinë e tyre.

Përzgjedhja e kandidatëve, të cilët do të plotësojnë kushtet për sa më sipër, do të kryhet nga një Komision i përbashkët i Vlerësimit i kryesuar nga Ambasada e Italisë në Tiranë , në të cilën do të bëjë pjesë, sikurse dhe në vitet e mëparshme, një përfaqësues i Ministrisë së Arsimit dhe Sportit e Republikës së Shqipërisë.

Instituti Italian i Kulturës në Tiranë do të ofrojë ndihmesë në hartimin e kërkesave dhe përcaktimin e institucioneve pranë të cilave mund të përftohet bursa, si dhe do të vlerësojë nëse njohuritë në gjuhën italiane janë të përshtatshme për të përfituar nga periudha e studimit.

DREJTORIA E INTEGRIMIT DHE PROJEKTEVE